

**Ŋwàk nè Ba,
nè Pol à Còm Fa Bùu sè Mvwe'
Lak
KORÈ**

Pol à còm ŋwàk nè ba nè'nə ghà nè bùu mok wèŋ à sə duk də yi ka ŋà ntum Jisos Krest nè zìnə yeŋ. Mvè'nə yi à duk to də yi nə kə ke' cepsə cos sə nə kà mok loòfana, bùu mok jəŋ nà' nə də kaco ŋwè naaŋ tu bohòyi yeŋ. Bùu mok wèŋ à yèto ŋgòcèp sè' də wo ŋgàa ntum Jisòs sè zìnə sə wo, də Pool ye nè mvwès. Mvmvè'nə Pol à còm fana yi sə niŋtsok də yi dzəm ŋgòye cù mò'fis bə cos nə ya wo sə kuksə lok Nwì bə kəkwa. Megu də yi à duk də yi nə kà bùu sè wo sə jə vè ŋgə' mɛ ŋgorè wo anə mè'rè.

Pol à yèto ŋwà' nə, nə sə tsok njo nè yi ànə com ŋwà' mòk, nə cep fəsə gesə bohòwo bə ñàŋ, nə sə yak wo bə yà'a mwè sə. Yi sə cep fe'lə də yi sə kwa bùusè ncèp ye nè guguŋ ènə a gù bwìŋ ŋgòkupsə nə ye fe'lə cù mò'fis səmok (ye mbùp 1:12-7:16).

Pol à lòmantombì nè cep rɛŋsə bə nza' mbàam sə wo à sə sù' də wo tɛsə krətèeŋ sə wo jìŋ, sè mvwe' nzeŋgòŋ Jùdiyà yà'a (ye mbùp 8:1-9:15). Yi à cèp lèsə ndzənə ŋwàk ènə ŋgòrɛŋsə fa bwìŋ də yi ŋà ntum Jisòs nè zìnə (ye mbùp 10:1-13:10).

¹ Còm ŋwàk nè'e mùu Pol nè Nwì a fùhu də mɛ ye ŋà ntum Jisos Krest. Ves moma àvès Timatì cèpsə wèŋ. Mù sə còm fa nà' bohòbùu

cos nè Nwì mvwe' lak Korè nè ye bùu Nwì mvwe' nzenḡòn Gris yà'a pwe'fo'.

² Mù læḡ də Nwì nè yi tè' àvès nè ye bə Tà Jisòs Kræst ḡu wən bəbən, nè fa wən fifi.

*Vesùwèen Yə Ngə',
Nwì Sə Fa Ves Fifi*

³ Vesùwèen kwasə Nwì nè yi Nwì nè ye tè'ε Tà Jisòs Kræst àvès nə. Yi tè' nè yi tse' koksəmanziḡ, nè ye Nwì nè yi ḡùḡə ndàaḡwè ḡḡòtse' ntum nè fifi sè' yi nə.

⁴ Vesùwèen yə-a nsàp ḡḡə' nè fòpwe' fana yi ḡu ntum avès ḡḡòye fifi, ya ḡa vesùwèen fisə to fa bùu sè wo sə yə nsàp ḡḡə' nè fòpwe' ntum yàwo sè', bə nsàp fifi nè Nwì a fa ves nə.

⁵ Wèḡ riḡ də mvə'nè vesùwèen yə nsàp ḡḡə' nè Jisòs à yə nə fana yi Jisòs nə fisə kərə riḡ fa ves ntum avès sè' vɛ'nə.

⁶ Vèes yə-a ḡḡə' fana ḡḡə' avès nə ye ḡḡòtesə wən, ya ḡa wèen tse' lùḡ. A ye-a ḡa Nwì fisə fa ves ntum fana ye də yi nə fisə ntum yàwèḡ sè' ya ḡa wèen təḡḡ ḡḡḡḡ ḡa wèḡ sə yə-a nsàp ḡḡə' nè vès sə yə ènə na.

⁷ Vès sə naaḡ tu də mvə'nè wèḡ sə yə ḡḡə' mvəsè vès sə yə fana Nwì nè yi tēsəḡè ves nə, nè tēsə wən sè'.

⁸ Bwema am wèḡ, mù dzəm də wèen rɛɛḡ bə nsàp ḡḡə' nè vès à yə mvwe' lak Èsiyà. Vès à yə ḡḡə' sə baḡ ḡèḡ fana vès tsəm də vèes nə kà bə.

⁹ Vès à tsəm də kḡu vè laḡ. Yè'sə ànə kumtsə'rə ves vɛ'nə ḡḡòḡù də vèes riḡ də, vèes cu, vès kà də vès sə bə ḡaaḡ yàvès tsərə, vès

sə naan megu tu le bohòNwì nè yi lòkoksəgè bwìŋ mvwe' kpá nə.

¹⁰ Nwì à gèmsə ves fana yi sə gèmsə malì ves nga'a sè', ye də vès sə naan tu avès bohòyi də yi nè gèmsə ves mok sè'.

¹¹ Wèŋ pwe', wèeŋ be'lə ngòleŋ fa ves sè', bùusè bwìŋ ye-a ñkùuŋ sè wo sə leŋ Nwì fana bwìŋ nə ye sè' ñkùuŋ sè wo nə kwasə yi ghà nè yi tēsə ves bə yusè wo leŋ fa ves sə.

Pol Kupsə Gi Ye

¹² Yusəmok cu sè vès sə kumŋgùŋ bùu zeŋ, vès sə rì sə ntùù vès sè' də yà'a zìnə. Yu nə də ncu avès nè sə nzeŋgòŋ nə a ye rərəŋ nə ye rərəŋ. Vès à sə kà bum bə mandzè nè bwìŋ tsərəgèè nə gù. Vès à sə gù yàvès bum sè Nwì à nì fa ves, nə tēsə ves də vès gù yà'. Vès ànə gù vè'nə bohòwèŋ yàwèŋ sè'.

¹³ Yusè vès còm fa weŋ pwe', mok ka nja sè sèswihì yeŋ, yà' mègù bum sè aco wèŋ taŋ yà' bə tu awèŋ, nə rərəŋ bə zeŋ.

¹⁴ Megu də wèŋ ka nsàp ñwè nè mɔ yàm nə pwe' riŋ wes; mù sə tsəm də nùmbu nè Tà Jisòos bwì vèə fana wèeŋ nə rərəŋ bəboŋ də aco wèŋ kumŋgùŋ bùu tu am mvè'nə mù sə kumŋgùŋ bùu wèŋ sə.

¹⁵ Busè mù à rì də wèŋ rì mɔ fana mù də mɔ və to ntòbohòwèŋ ñkuŋ nə sə lo mvwe' nzeŋgòŋ Məsìdoniyà, də ya wèeŋ kwa, nə kwa fe'lə sèmok bùusè mù vè kè' ba.

¹⁶ Mù à duk də mɔ cu ngòlòMəsìdoniyà, mù ca nə ye ca weŋ, nə ye fe'lə weŋ nga mù sə foho

vèə, fana wèŋ tesə mɛ bə gí àm nè ŋgòlòmɔwwe' nzenɡòJùdiyà.

¹⁷ Mvè'nè mù ànə ka və yà'sə, ye də mù à sə cèp basə ŋgwàŋ à? Ye də mɛ ŋwè nè mù dɔk də mɛ nə ɡu yumok, mù dzəm Ŋ, nə bɔuŋ dɔk fe'lə hai' co bɔu mok wèen dɔkɡè yà'a à?

¹⁸ Mɔmvè'nè Nwii ŋwè nè zìnə fana yusè mù ànə kak wen sə ànə ka Ŋ ŋga a hai' yen.

¹⁹ Njo nè Jisòs Krest mo Nwì, nè Silàs bə Timati nə ye mù ànə tsoho fa wen nə, yi ka Ŋ, nə bɔuŋ fe'lə hai' yen. Yi mègù ye sə Ŋ, yà' me.

²⁰ Bum sè Nwì à kàk yà' pwe'fo', yi Ŋ nè Nwì nə yi. Nà'a njo nè vès dɔk càsəgè də <<Yà'a ye ve'nə>> bə liŋ ye ŋgòkùksə Nwì sə.

²¹ A yi Nwì ànə, nè yi ɡù vesùwèŋ ŋgòtəəŋ ves Krest wèŋ ɡuɡuŋ, nə jəŋ ves ŋgòye ŋgàa fàak ye.

²² Yi a naaŋ yumok nè nà'a co mvək mɔni'i vès ŋgònitsè' də vesùwèen bɔu ye. Yu ènə yòŋsè ye nè yi à fa ves nà' sə ntɔù vès ŋgònitsè' də bum mok cu malì sè yi nə fa ves yà' ŋkuŋ.

²³ Yusə də, mù ànə ka mɔwwe' lak Korè anə və ve'nə də ya wèen kà tɛ'. Mù to Nwì ŋgòye mɛ tuhù mù də yusè mù sə cèp sə, a zìnə.

²⁴ Kà də mù sə cèp yè'sə də mɛ co masà mòk bə bum sè wèŋ a dzəm tse' sə dɔk, bɔusè wèŋ tə ɡuɡuŋ bə yusè wèŋ a dzəm sə. Yusə də, mù dzəm yàm də mɛ fàk vesùwèŋ fana wèŋ sə kwa.

2

¹ Anə ɡen mù dɔk də mɛ kà də mɛ kə ye fe'lə wen ya ntəm awèen yaan fe'lə sèmok dɔk.

² Busè mu yaṅsə-a weṅ ntum, ye də ḡwè nè yi nə ḡu mu yàm mù kwa yè'sə ndà? Mèḡù ka sè' wèṅ sè mù yaṅsə weṅ ntum sə yeṅ à?

³ Nà'a njo nè mù ànə com fa weṅ ḡwàk fa' nə; bùusè mù də mu vè bohòwèṅ, fana wèṅ yaṅsə bwi mu ntum ḡga anə ye co wèṅ ḡu ntum àm kwa kwa. Mù kwà' də wèṅ rì tse' zìnə də a ye-a ḡga wèṅ sə kà kwa, kaco mù kwa yàm sè' yeṅ.

⁴ Mù à còm fa weṅ ḡga mù cu bə tsətsərə, ntum sə yaṅ mu, ndzəplis sə tesə mu sè'. Yà'sə ànə ka ḡḡòḡù də wèṅ sə tɛ' yeṅ, yà' ànə ye də ya wèṅ riṅ də mù dzəm weṅ vɛ'ɛ wùriṅ.

Wèṅ Swifa ḡwè Nè Yi ḡù Bup

⁵ ḡwè nəmòk a ḡù-a yumok sè ntum a yaṅ ḡwè bùu zeṅ. Yi ka yà' bohòmù ḡu, yi a ḡù lì yà' lɛ bohòwèṅ. Mù ka dzəm ḡḡòcèp bə zeṅ lələ dzəm.

⁶ ḡḡə' nè wèṅ bwìṅ ḡkùuṅ a yeṅsə ḡwè ènə, nà'a kəkùrè bohòyi.

⁷ Bòḡhak ḡga'a mok də wèṅ swifa yi, nə ḡu yi co ntum nje fi sè'; bùusè a kà-a vɛ'nə ye, kàmòk aco yi wo wesə lo maṅkwèṅ bə ma nè Nwì nə kè' mò'fis.

⁸ Ye də mù sə lɛṅ weṅ də wèṅ ḡu yi ya yi riṅtse' də wèṅ sə dzəm yi.

⁹ Yusè mù ànə com fa weṅ fa' sə ànə ye ḡḡòbəə ja'a weṅ də wèṅ ḡgàa yuk duk àlɛ.

¹⁰ A ye-a ḡga wèṅ swifa ḡwè nəmòk yumok fana mù swifa yi yàm sè'. Bohòmù yàm mɛyu nè mù tse' ḡḡòswifa ḡwè ànə fana mù sə swifa yi nà' bùu tu awèṅ mantombii Krest.

11 Yà' ye ve'nə də ya Satàa kà də yi ghak vesùwèŋ duk, bùusè a rì ñkərə nje nè yi gùgè nè laŋ.

Ncu Bùu Nwì Wèeŋ Jwèŋgè Bùu Sè Sè Nzeŋgòŋ

12 Bə gi nè mù ànə lo mvwe' lak Truwà, ngòkè tsòho fa bùu sè fo' Ntirè nè Bèboŋ nè bə liŋ Krest nè fana, mù ànə kə dzeŋ fo' mù ye də Tà Nwì a mùk nòŋsə mandzè nè ngògù fàak sè fo' sə to laŋ.

13 Megu də ntəm ànə ka mɛ fi lok bùusè mù ànə ka moma àvès Taitòs bə lis ye. Fana mù cepse bùu sè fo' sə, nè yuŋ jəŋ mandzè àm nè lo mvwe' nze Məsìdoniyà ngòláp yi nè yuk nzu coòs bohòyi.

14 Megu də vesùwèeŋ kwasə Nwì. Mvwe' sè vès lòpwe'fo', yi sə gɛ ves ngòyù Krest co ñkwèeŋ sè yi ghak vè wo bə dzè'. Yi sə gɛ də bwiŋ riŋ Krest bohòvès, fana Ntirè nè Bèboŋ nè sə rəm saŋ boŋsə ma nè fòpwe' co làmindàa sè bèboŋ.

15 Vesùwèŋ mègù co làmindàa sè yà' rəm bòŋsə ve'ε sè Krest a kè' fa Nwì, yà' sə rəm lo bohòbùu sè wo nè tse' lùŋ bə bùu sè wo sə bisə yàwo bisə wèŋ.

16 Yà'a rəm gè bohòbùu sè wo sə bisə sə co yu kpɛ sè yà'a nè zə ŋwè. Yà' rəm boŋsə bohòbùu sè wo sə lù yàwo lùu sə wèŋ co yu bèboŋ sè yà'a nè gɛ wo ngòye lèluŋ. Ye də ŋwè nè yi kùrə ngòye co nsàp làmindà ànə yè'sə ndà?

¹⁷ Vès riŋ də vès sə kà yàvès ncèp nè Nwì nə mvè'nè bùu mok wèŋ sèŋgè yà'a sèŋ. Ye də aco vès ye to li co làmindàa yà'sə, bùusè vès cèpgè yàvès co bùu Krest wèŋ sè zinə, sè Nwì a tum vè ves yi.

3

Rùk Nè Fi Nə Ghak Rùk Nè Zəm

¹ Bum sè vès cèp yè'sə, yà' səsə co də vès də vès niŋtsok fa fe'lə wèŋ nsàap bùu sè vès cu sə à? Hai', ka ve'nə yeŋ lok. Vès ka co bùu mok wèŋ yà'a yeŋ, ka də vès kə fa wèŋ ŋwàk, kènə də wèŋ com fa ves àlɛ' ŋkuŋ ya bwìŋ riŋ ves yeŋ.

² Wèŋ bə tu awèŋ, wèŋ ŋwàk nè aco bwìŋ taŋ, nə riŋ ves bə zeŋ nə. Wèŋ ŋwàk nè wo a còm nòŋsə nà' sə ntùù vès nə.

³ Yà' nòjəja də Krest à còm ŋwàk nə yi, nə fa ves də vès ni fa bwìŋ. Yi à ka nà' mənə lis bə nsàp ntatə ŋwàk nè bwìŋ còmɡè bə zeŋ nè'e com, yi à còm nà' məmvwə' ntəm bwìŋ, Yòŋsè Nwì à còm fa yi nà' yi.

⁴ Aco vès cèp to bum yè'sə bùusè ves Krest wèŋ mvwə' mò'fis fana vès sə naaŋ tu bohòNwì də aco yi gù ves a ye kəkurè ŋgògù fàak yè'sə.

⁵ Vès à ka kəkurè ŋgògù to nsàp fàk ènə yeŋ. Nwì a gù ves yi ŋkuŋ vès ye kəkurè ŋgògù to yà' bəbəŋ.

⁶ A yi nè yi a gù ves ŋkuŋ vès riŋ ŋgòkùk ja'a to, nə sə gù bəŋsə fàak sè yà'a bə rùk nè fi nè yi a fa ves nə. Rùk ènə ka nè wo à còm nà' mənə lis yeŋ, a nè nà'a ma nè bə yòŋsè. Lùk nè wo à còm

naaŋ nà' mənə lis nə jə vègè kpɛ, nè ndzənə yòŋsè nə jəŋ və ye lùŋ.

⁷ Ghà nè wo à fa vè lùuk sè wo ànə com yà' mənə lis, sè yà'a jə vègè kpɛ sə, à ye fana ɲaaŋ sè Nwì sə ànə rɛŋ fo' vɛ'ɛ wùriŋ. A ye-a sè də mareŋ ènə ànə ca gesə lo fo', fana nà' ànə rɛŋ mɛ sihi Musi vɛ'ɛ nsàp nè bùu Izùre wèŋ kà lis mɛ sihi yi anə kùk to. A ye-a də rùk nè fàak ye ànə ye ɲgòjə vè kpɛ nə ànə və bə nsàp ɲaŋ ànə vɛ'nə,

⁸ ye də aco nsàp rùk nè ndzənə yòŋsè nè nà'a nə jəŋ və ye lùŋ nə nə və bə mareŋ nè nà' gha' nè kpɛ nə kè' ɲkùuŋ.

⁹ Fàak rùk sè yà' ànə jə və fa bwìŋ nzak sə ànə tse' mareŋ fana ye də fàak rùk sè yà'a nə gu bwìŋ ɲgòkà nzak bohòNwì kè tse' sə nə tse' mareŋ nè nà' càsə.

¹⁰ Aco vès duk də, mvè'nə mareŋ nè ɲga'a nə sə rɛŋ vɛ'ɛ wùriŋ fana, mareŋ nè nà' ànə ye to fa' nə ka mok co mareŋ səsə fe'lə.

¹¹ Nə ye də a ye-a ɲga yu nè nà'a nə kà fo' cu mam tse' nsàp mareŋ nè bə ɲaŋ vɛ'nə ye də mareŋ yu nè yi nè cu mam ye fo' nə tse' ɲgòyam càsə vɛ'ɛ wùriŋ.

¹² Vesùwèŋ tse' tsətsərè nè də bum yè'sə nè kè ye bəboŋ vɛ'nə fana vès cep fis, nə kà yumok swihì.

¹³ Musi ye, yi à sə cèp wesgè bohòbùu Izùre fana yi lok tu ye bə cək mòk. Yi à sə lokgè vɛ'nə də ya bùu Izùre sə wèŋ kà mvè'nə mareŋ nè Nwì nə sə lògesə mɛsihi yi yə. Vès ka yàvès co Musi nè yi à sə gù vɛ'nə ànə yeŋ.

14 Nkèrè bùu Izùre wèŋ yè'sə kà bum mok rɛɛŋ. Ghà nè wo ta ŋwàk rùk nè zəm nè fana ye co cək ànə sə təhə lok mali ŋkèrəə awo tè kə dzeŋ nie'. Tse'ŋga ŋwè dzəm bohòJisòs Krɛst cək ànə yè'e gɛsə fo'.

15 Ghà nè fòpwe' nè wo ta ŋwàak Musi sə fana cək ànə sə lok mali ŋkèrəə awo sə.

16 Kaco nà'a nə ye'e gɛsə fo' yeŋ, tse'ŋga wo bùuŋ vè bohòTà Jisòs ŋkuŋ.

17 Tà nə yi yòŋsə, nə ye də mvwe' sè də yòŋsə Tà nə cu fo' fana ye də ŋwè ka fo' ŋkwèŋ bohòyumok mok yeŋ.

18 Vesùwèŋ sè yumok ka si avès lok sə, mareŋ nè Tà nə sə kè təm mbwa, nə sə ba'a lo bohòbùu mok wèŋ. Mareŋ nə sə yam ghaha, ghaha mvè'nè vesùwèŋ sə bùuŋ wes lòbə nsəsəə ŋwè nè a sə nitsə' yi nə. Yè'sə fàak Tà nè yi yòŋsə nə.

4

Vès Co Kùuŋ Ncàk Sè Yusè Bèboŋ Cu Ca

1 Nwì a fa ves fàak sè ŋgòtsə' fa bwìŋ bə rùk nè fi ènə bə bònəm ye fana vès fak yà', nə kà də a wo bùusə də ntəm sə kà vès mok bo duk.

2 Vès co'rə fis bo bə bum marè'tu sè yà'a sèswihì, ves kà gəgorè tse', nə kà ncèp Nwì nə bupsə. Vès fis tes yusè yà'a zìnə sə jəja, fana nə niŋ fa ni' avès bohòndaaŋwè pwe'fo' ya wo riŋ də vès kəkùrè mantombli Nwì.

³ Ntirè nè Bèboŋ nè vès sə tsòho nè ye-a səswihi, ye də nà'a səswihi yà'sə bohòbùu sè wo sə bisə, bisə.

⁴ Satà, nè yi nwì nè sə nze fɛŋ a jə ŋkərèə bùu sè wo sə kà dzəm sə, nè lok tes yà' bə ndzəm; wo kà mareŋ Ntirè nè Bèboŋ nè nà'a bə ŋàaŋ Krɛst nè yə. Krɛst nè, a yi nè yi sə nitsə' fa bwìŋ mvè'nè Nwì cu sə.

⁵ Vès sə kà liŋ sè yàvès tsòhò. Vès sə tsòho liŋ sè Jisòs Krɛst də yi Tà, vès ye yàvès ŋgàa fàak awèŋ bùu tu ye.

⁶ Nwì nè yi ànə duk fa' də, <<Mareŋ rɛɛŋ tesə və ndzənə ndzəm>> nè a gù sè' yi ŋkuŋ mareŋ nje nè nà' rɛɛŋ sə ntùù vès anə. Anə geŋ yà' fa ves mareŋ ŋgòrɛɛŋ bum bə nsàp mareŋ Nwì nè nà'a rɛɛŋ tesə vègə mʉsihi Krɛst.

⁷ Mvè'nè vesùwèŋ tse' yusə yà' bòwùriŋ sə fana yà'a ye co vès tse' yà' sənə kùuŋ ncàak sè aco yà' voho; yà'a ŋgùup ni' àvès yè'e. Yè'sə vɛ'nə ya ŋga ndàaŋwè rɛɛŋ nsàp ŋàŋ nè nà' ghak càsə ànə a ŋàaŋ sè Nwì, yà' ka yàvès yeŋ.

⁸ Ngə' beŋ nòktse'gè ves ma nè fòpwe'fo', vès sə təŋ mali fo', bum sə jipsə kɛ' ves, ŋkərèə avès kà sè mè wes.

⁹ Wo yeŋsə ves ŋgə', Nwì kà ves sè mè'rè. Wo bwì' mak ves sə nze, wo kà ves sè' lèsè.

¹⁰ A yè'sə də vès sə bək gikɛ' kpɹ nè Jisòs nè ndzə ni' vès, ya ŋga bwìiŋ ye lùŋ nè Jisòs nè ndzə ŋgùpni' vès anə.

¹¹ A zìnə də vès cu ncu nè aco kpɹ ko ves ghà nè fòlòŋ bùusè vès sə fàk bohòTà Jisòs. A vɛ'nə ŋga a sə niŋtsok lùŋ nè Jisòs nè ndzənə ni' avès

sè aco yà' kpɔ sə.

¹² Mvè'nè vès sə tsòho ncèp nə fana kpɔ sə kuəp və ves, yà' sə ye bohòwèŋ lùŋ.

¹³ Vès tse' nsàp ntum nè ŋgòfàk bohòNwì co ŋwè nəmòk nè wo à còm ndzənə ŋwàk Nwì bə liŋ ye də <<Mù à fa ntum àm bohòNwì fana mù cèp.>> Yà'a sè' mvè'nè vès fa ntum avès sè' vɛ'nə, nə cèp sè'.

¹⁴ Njɔ nè vès rì də ŋwè nè yi ànə lokoksə Tà Jisòs mvwe' kpɔ nə, yi nə lokoksə ves Jisòs wèŋ, nə tes ves kù mantombii yi ves Jisòs wèŋ bəbɛ'.

¹⁵ Ye də, ŋgə' avès sè vès sə yə sə tse' swe' bohòwèŋ. Ghà nè bwiŋ yam ŋkùuŋ sè wo dzəm bohòKrest fana bwiŋ ye sè' ŋkùuŋ sè aco wo kwasə Nwì bə bòvəm ye nə, fana kèkuksè lo bohòyi.

¹⁶ Nà'a njɔ nè kaco vès teŋsə bùusè də ntum avès sə kà mok bòyeŋ sə. A ye-a sè də ŋgùupni' avès yè'e sə wòbup lòo fana ni' avès sè ma ndzə ntòsə gɔŋ ghàha lòbwi bə ñàaŋ mok nùumbu pwe'.

¹⁷ Ŋgə' avès sè yà'a nə ca gesə mvək momjo yè'sə gù gɔŋsə nòŋsə ves ŋgòkè bək to bònŋ Nwì sè vès nè kè tse', sè kaco ŋwè cèp to yeŋ sə.

¹⁸ Bùsè vès sə kà lis bə bum sè a sə yə yà' ŋga'a yè'e kùk, a sə kùk bə sè yà' cu mantombi, sè lis sə kà yà' ŋga'a yə. Bùsè bum sè a sə yə yà' sə nè cà gesə lòfo' fana bum sè a sə kà yà' ŋga'a yə sə nə kà kè mè yuk.

5

A Sə Kùk NgòNitse' Ngùpni' Nè Fi

¹ Vès sò kùk vɛ'nə bùusè vès rì də ni' avès sò sə nzeŋ fɛŋ sə co du nè nà'a nə kəəŋ gbɛ sə nze. Nà' gbɛ-a, fana Nwii nə fa ves ni' mok co ndap avès. Ndap ènə mɛbu nè nà'a nə kà kəəŋ yuk, wo à ka nà' bə bo bwìŋ ci.

² Nè ŋga'a nè'e fana a sə tsərə, sə som vɛ'ɛ də vesùwèŋ dzəm ŋgòkè tse' ndap avès nè mɛbu nə.

³ Ya ŋga vèes nitse' nà' co cək, fana a kà nswè'mbwè ye.

⁴ Ghà nè a cu ntòmɛ mvwe' duŋ sə yè'e fana a sə tsərə, nə sə som vɛ'ɛ wùriŋ də bum sə kà bò. Yè'sə ka də vès sə dzəm ŋgòmà' ŋgùpni' nè'e yeŋ; a də vès sə dzəm ŋgònitse' nè ma mɛbu nə, ya ŋga nè ma mɛbu nə kupsə nè aco nà' kpɛ nè'nə.

⁵ A fuhɛ fa ves nsàp nè ŋgòkupsə vɛ'nə ènə Nwì, nə fa ves yòŋsə ye nə co yu nè ŋgònitsè' ves də yà'a nè kə ye lì tsə vɛ'nə.

⁶ Mvəsè a yə vɛ'nə fana vèes təəŋ gɛgɛŋ, a rì də mvè'nə a cu bə ŋgùpni' mvwe' lak avès sò fɛŋ yè'e fana a ka mvwe' lak avès sò Tà cu fo' sə yeŋ.

⁷ Mù sə duk yè'sə də a sə kà Tà bə lis mvwe' lak avès sə ŋga'a yè'e yə, a sə gì nə sə naaŋ tu də yi cu fo'.

⁸ Mù də vesùwèŋ təəŋ gɛgɛŋ vɛ'nə, nə sə dzəm ghak ɛ də vesùwèŋ me'rə ŋgùpni' nè'e, nə lo la'à kə cum ves Tà wèŋ.

⁹ Yusè yà'a bohòvèes ŋga'a də, a cu-a sè mvwe' lak avès yè'e kə mok sə àɛ', vesùwèŋ sə lap megu mandzè nè ŋgògù yi kwa.

10 Vèes sə gu vɛ'nə bùusè vesùwèŋ pwe' nè kè təəŋ mɔwɛ' dzè' nzak Krɛst. Vesùwèŋ nə kə təəŋ vɛ'nə ya yi kək ja'a bum sè vesùwèŋ à gu yà' ghà nè vesùwèŋ à cu bə ŋgùpni' sə fana yi lak ndàaŋwè pwe'fo' mɔvè'nè ŋgèŋgàŋ a gùu, bəbɔŋ kè bɔp àlɛ'.

*A Sə Fàk Ya Ndàaŋwè Pwe'
Tɛŋkèŋ Bə Nwì*

11 Mɔvè'nè vès rɪŋtse' yàvès yusè yà' cu bə ŋgòwəp Tà sə laŋ fana vès sə lù guguŋ ŋgòtsòho fa bwiŋ ya wo rɛɛŋ nə wəp Tà sè'. Nwì rɪŋtse' də vès sə ntùù vès anə rərəŋ bə ncɛp ènə, fana mà tsərə də wèŋ rì yà' sə ntùù wèŋ sè'.

12 Ka yè'sə də vès sə làp mandzè ŋgògù də ya wèŋ jəŋ fe'lə ves səmok co bùu sè bəbɔŋ yeŋ. Yusè də vès sə làp də wèŋ tse' njo nè nà'a bəbɔŋ nè aco wèŋ kumŋgùŋ matuhù vès bùu zəŋ, ya wèŋ rɪŋtse' mɔvè'nè aco wèŋ cɛp fəsə fa bùu sè wo kumgè ŋgùŋ bə ŋwè, mɔvè'nè wo yə nà' mɔlisè, nə kà mɔvè'nè nà' cu sə pap rì yà'a.

13 Vès sə yəəŋ-a mɔlisè wèŋ co ŋgàa ŋaŋ fana vès vɛ'nə ya liŋ Nwii kək; nə ye sè' də a ye-a ŋga vès ka co ŋgàa ŋaŋ yeŋ fana vès vɛ'nə bùu tu awèŋ.

14 Dzədzəm nè Krɛst tse' nà' bohòvès nə bwì' tse' ves vɛ'ɛ bùusè vès riŋ də, mɔmɔvè'nè ŋwè nè mò'fis a kpɔ bùu tu bwiŋ pwe'fo' fana ye də bwiŋ pwe' a kpɔ laŋ.

15 Fana yi a kpɔ bùu tu bwiŋ pwe' vɛ'nə də ya ŋga bùu sè wo lùu nə kà mok ncu nè ŋgùupni'

awo dzəm cu; wo cum mok ncu ηwè nè nà' à kpu bùu tu awo, nè lokok fe'lə mvwe' kpu nè.

¹⁶ Ye də a nga'a mok də kaco vès kək ja'a ηwè, nè fək fe'lə yi mvè'nè nzenḡòn nə fəkgèə yeη. Vès ànə fək to Krest mantombi fa' ve'nə laη fana kaco vès fək fe'lə yi ve'nə yeη.

¹⁷ Yusə də ηwè nè yi ye-a bə Krest mvwe' mò'fis fana ye də yi mok ηwè nè fi, bum sè zəm a cà gəsə lo laη, bum pwe' mok sè fi pumm.

¹⁸ Bum yè'sə pwe'fo' fàak Nwì. Nwì anə tes ηkèn vesiwèn ndzə bohòKrest, nə fa ves fàak sè ηḡòtirə lòfa bwìη mvè'nè yi tesgè ηkèn sə.

¹⁹ Nwì à ḡà càsə fàak ye ndzə bohòKrest. Yi à ka bum sè bup sè wo à ḡùu sə mətuhù wo mok tsərə naaη fe'lə. Fana yi a fa ves fàak sè ηḡòḡù bùu mok wèeη riη mvè'nè yi tesgè ηkèn bə bwìη sə.

²⁰ Vès yè', vès tə mvwe' kùu Krest fana Nwì sə cep casə fa bwìη bohòvès anə. Ncèp nè ηḡòtsè' fa bwìη nə də, vès sə leη bwìη də wo və ya bə Nwì wèeη tes ηkèn.

²¹ Krest ànə ka bup ḡu yuk, Nwì nə ḡu busə yi bup bùu tu bwìη də ya nga vesùwèeη ye kəkərè nsàp nè Nwìi ye.

6

Pol Tsə' Mvè'nè Yi Yə Ngə' Ngòḡù Fàak Nwì

¹ Mvè'nè vès sə fà' ves Nwì wèn mvwe' mò'fis fana vès sə leη weη də kà də wèeη me'rə bòvəm nè Nwì a fa weη nə də nà'a ca lo ηḡwàη duk.

² Yusə Nwì a cèp yi yè' də,

<<Ghà nè mvèk à kùrə,

Mù yuk fa wen yusè wèn sə lɛŋ,

Mù tɛsə wen nùmbu nè mù à nòŋsə ɲgòfa wen
lùŋ.>>

Mu tsok fa wen yàm sè' də mvèk nè kəkùrə nè
ɲga'a yè'e, nè ye sè' də nùmbu nè Nwì à nòŋsə
ɲgòfa wen lùŋ nè sè' ntinə.

³ Vès sè vès bùu Nwì, vès ka dzəm ɲgònòŋsə fa
ɲwə nəmòk yumok sə mandzəə yi co yi kə lɛ'rə
bə zɛŋ dzəm, ya ɲga bwiiŋ kà fàak avès sə liŋ
sə bɔp to fa.

⁴ Vès kogè ntum ɲgònitsè' də vès ɲgàa fàak
Nwì. Vès kogè ntum vɛ'nə ɲga vès sə yə ɲgə'
nə ye ɲga vès jìŋ, nè ye ɲga yumok sə ghak ves
sè' pwe'.

⁵ Ghà nè wo sə lèp ves, bə ghà nè wo nisə ves
ndapndzəm, bə ghà nè bwiiŋ pwe' johò tse' ves.
Mok ye mali sè' ghà nè vès sə fàk nè tiŋ ndùrə,
bə ghà nè vès nònòŋ nca, nè ye bə ghà nè vès
cu ɲjè sè'.

⁶ Vès nitsè'gè də vès ɲgàa fàak Nwì bə
mandzè nè də vès cugè ncu nè nà'a rərəŋ, vès
sə riŋ bum sè Nwì sə bèbɔŋ, vès sə ko ntum,
vès sə gù bòn bohòbwiiŋ, vès sə yuk bohòYòŋsə
nè Rərəŋ nè, fana nè sə dzəm bwiiŋ bə ntum nè
mò'fis sè'.

⁷ Vès sə cep megu yusè yà'a zìnə, nè sə gu fàak
Nwì bə ɲàaŋ sè ye sə. Mùm vè'nè ncu àvès nè
rərəŋ vɛ'nə fana yà' ye co də vès bèhə tse' bum
màk dzè'e Nwì sə bo ma màk bə ma ɲkwìp ba
fo'.

⁸ Ghà mòok ye bwìŋ sə wəp ves də vès bùu Nwì, ghà mòk wo koksə ves marè'tu. Wo sə cəp bəp bə liŋ avès. Wo sə ci' fa ves m̀vwès sè', ghà mòk wo kwasə ves. Wo sə jəŋ ves co ŋgàa ci' m̀vwès ŋga vès sə cəp zìnə.

⁹ Wo sə jəŋ ves co bùu sè wà, ŋga liŋ avès a yuhu lòma nè fòpwe' laŋ. Vès sə swirə kpə, nə sə cum mali fo' ŋwəm. Wo sə t̀ksə kɛ'ca ves vɛ'nə, vès kà sè' kpə.

¹⁰ Ntəm sə yaan ves ẁriŋ, vès sə tse' mali kwəkwa sè'. Vès ye ŋgàa jìŋ, nə sə g̀u bwi bəuŋ ŋgàa ghàk. Bwìŋ sə ye co vès ka yumok tse', ŋga bum sè Nwì à g̀u pwe'fo' yàvès.

¹¹ Haama ŋge' am bùu Korè wèŋ, vès a cəp bohòwèŋ, nə kà yumok swìhì lok f̀uk, vès a muk tosə fa wəŋ ntəm avès pwe'.

¹² Wèŋ sə tsərə-a də yumok cu mali fo', ye də yà' cu ma sə ntùu wèŋ, ka bohòvès yeŋ.

¹³ M̀u cəp bohòwèŋ co m̀u sə cəp bohòbwe am; ye də ŋgòg̀u də ya bum sə ye ma lòoŋ fo' yəyərə fana wèŋ muk tosə ntəm awèŋ sè' vɛ'nə.

Bum Sə Yà' Ka NgòTòrə Boŋ

¹⁴ Kà də ŋwèe be'lə bə ŋwè nè yi ka Nwì riŋ də bə nà'a sə g̀u yumok duk. Busə aco bòn bə bəp tse' yè'sə nsàp ŋge' yà? Kènə aco marəŋ bə mandzəm ye ŋge' anə va?

¹⁵ Yusè Krest tse' be'lə yà' fo' bə ŋkum ze', yè'sə yà? Kènə də ŋwè nè yi dzəm Krest bə nè yi ka Krest dzəm, wo tse' be'lə yà?

¹⁶ Aco ndap Nwì tse' yà sè yà' ye c̀u mò'fis bə tàap r̀um ε? M̀u sə cəp vɛ'nə bùusè vesùwèŋ

ndap Nwì nè yi cu ηwəm nə. Yè'e yusè Nwì nè à cèp də,

<<Mɯ nə ci lak mɯŋgorè wo, nə cum vesiwèŋ;
Mɯ nə ye Nwì àwo fana wo ye bùu am.>>

¹⁷ <<Ye də a bèboŋ də wèeŋ tesə gesə mɯŋgorè
wo anə, nə ye yàwèŋ zok,

Cèp vɛ'nə Tà.

Wu tesə cu vɛ'nə, wù kà yumok sè yà' ka rərəŋ
yeŋ jwèŋ,

Fana mɯ nə jəŋ weŋ.

¹⁸ Mɯ nə ye tè' àwèŋ, fana wèŋ ye bwìŋ yàwèŋ
bwe am sè ndzə vèə mɯ.

Cèp yè'sə Tà Nwì nè yi tse' bum pwe' yi nə.>>

7

¹ Nge' am wèŋ, yà'a bum sè Nwì a kàk fa
vesùwèŋ sə, ye də vesùwèeŋ cuk fis mak bum
sè aco yà' gu bɯpsə ηgùpni' kè yòŋsəə avès àle
pwe'fo'. A gu vɛ'nə ya ŋga vesùwèeŋ sə kuk
kok bə mandzə nè rərəŋ bùusè vesùwèŋ sə wəp
Nwì.

*Pol Tsə' Fa Bùu Korè Wèŋ Də Yi Sə Kwa Bùu
Tu Yà'wèŋ*

² Wèeŋ kotse' ves sə ntɯù wèŋ bùusè wèŋ rì
də vès a ka ηwè nəmòk bɯp gu; vès a ka ηwè
nəmòk gu bɯpsə, nə kà yu ηwè nəmòk sè' bòrè
jə.

³ Ka də mɯ sə cèp yè'sə ηgònaaŋ bèŋ mòk
mɯtuhù wèŋ yeŋ. Mɯ à tsə' fa weŋ fa' laŋ də
wèŋ cu sə ntɯù vès, a dzəm ye kpɯ bə lùŋ.

⁴ Mɯ rì də wèŋ tse' ntum nè ηgòyù mandzə
Nwì. Mɯ sə kumŋgùŋ bùu wèŋ anə sè'. Mvè'nə

yà'a ve'nə fana mù sə yə-a sè ɲgə' fana ntəm àm sə ye fifi, mù sə kwa sè' wù kà fàk.

⁵ Mvè'nè vès à kè dzèɲ mvwe' nze Màsìdoniyà fana vès à ka fifi tse' lok. ɲgə' à ye ma nè fòpwe', bwìɲ sə kuəm bə mok wèɲ, wuə ye sə ntuu vès anə sè'.

⁶ Fana Nwì nè yi fisə fagè ɲwè ntəm ghà nè yumok sə bup yi nə fisə fa ves ntəm avès. Taitòs ànə kə dzeɲ fana ntəm fi ves.

⁷ Ka də vès a kwa mègù bùusè də yi à kè tsèɲ ves yeɲ. Vès a kwa mvè'nè yi à tsè' fa ves mvè'nè wèɲ ànə gu yi fana ntəm nje ye cəcuɲ yà'a sè'. Yi à tsè' ves də wèɲ sə dzəm ɲgòyè mù ve'ɛ wùriɲ, nə ye mvè'nè ntəm a yaan wèɲ, nə ye fe'lə bə mvè'nè wèɲ sə dzəm ɲgòtəəɲ fa mù gèm. Bum yè'sə pwe' a gù mù ɲga'a mù sə kwa ghaha ghaha.

⁸ A ye-a sè də ɲwàk nè mù à còm fa wèɲ fa' nə a fa ntəm awèɲ ɲgə' fana mù sə kà də mù ànə riɲ-a bwèɛ mù ànə ka nà' còm duk. Mù ànə duk-a ve'nə sè laɲ bùusè də mù à yə də ntəm awèɲ sə fa wèɲ ɲgə' mvək momjo,

⁹ mù sə kwa ɲga'a yè'e ve'ɛ wùriɲ. Ka də mù sə kwa bùusè də mù a gù ntəm yaan wèɲ yeɲ, mù sə kwa bùusè də yaan ntəm àwèɲ nə a gù wèɲ, wèɲ nə kupsə mandzə awèɲ nə. Nà'a nsàp yaan ntəm nè Nwì dzəm nə. Ye də vès a ka wèɲ yumok gu bupsə fa lok.

¹⁰ A ye-a ɲga ntəm yaan ɲwè bə mandzə Nwì, yà' gù ɲwè yi kupsə mandzə ye, nə tse' lùɲ fana ye də yumok ka fo' bup. Yaan ntəm nè nà'a nsàp nè nzeɲgòn nə jə vègè ye kpə.

11 Wèen̄ kuk ja'a na yàwèen̄ yusè yaan̄ ntum nè bə mandzè Nwì nə a gù fa wen̄ è. Nà' à gù wen̄, wè̄n̄ jə̄n̄ yusè mù còm fa wen̄ bə zən̄ sə gugun̄. Nà' à gùu, ndaan̄wè pwe' fīn̄ ncù, nà' gù wen̄, wè̄n̄ jok; nà' gù, wuə ko wen̄; nà' gùu, wè̄n̄ dzəm də wèen̄ ye fe'lə mu səmok; nà' gù wen̄ ngòye gugun̄ bə mandzè nè nà'a zìnə nə; nà' gù wen̄, wè̄n̄ sə gūh̄u tsə'rə bum pwe' ngòye mok bə̄bōn̄. Wè̄n̄ a gù tètè nə kà bèn̄ matuhù wè̄n̄ mok tse' fe'lə.

12 Mù ànə com fa-a wen̄ ŋwàk ànə sè ve'nə fana yusè gugun̄ sè yà' ànə gu mu ŋkun̄ mù còm ŋwàk nə à ka bùu ŋwè nè wo gù yi bup nə kè də bùu ŋwè nè yi ànə gu bup nə yi nə yēn̄. Mù à còm nà' le ngògù wen̄ də wèen̄ rēen̄ mantombii Nwì, m̄m̄vè'nè wè̄n̄ a fa ni' awè̄n̄ bohòvès sə.

13 Yà'a yusè vès à yə fana yà' gu ntum bōn̄ ves ve'ε wùrīn̄ sə. A ka yà'sə megu, vès a kwa mvè'nè Taitòs à tsè' fa ves kwəkwa nje mvəsè wè̄n̄ à gù yi ni' wes yi yà'a sè'.

14 Mù à sə kum ŋgùn̄ bə līn̄ awè̄n̄ bohòyi də wèen̄ bùu sè bə̄bōn̄ wùrīn̄ fana wè̄n̄ a gù cùu am sə kà wà cà. Yusè mu tsè' fagè wen̄ pwe', mù ka wen̄ mvwès ci' yuk fa, fana yà' nə yə̄ə̄n̄ nə sè' ve'nə də mvè'nè vès à tsè' Taitòs də wèen̄ bùu sè bə̄bōn̄, a zìnə.

15 Taitòs nə dzəm wesə wen̄ mok nsàp nè bə jòn̄, mvè'nè yi tsərə mvəsè yi à kə yə wen̄, wè̄n̄ yuk yi, nə le' tse' yi bo ma ba, nə sə wəp yi ve'ε wù kà fùk.

16 Mù sə kwa yàm sè' wù kà fùk bùusè də aco mù naan̄ tu am bohòwè̄n̄, nə kà yumok mok

tsərè.

8

Fəfa Nè Nà'a Bèbonj BohòKrətèj Wèj

¹ Bwema avès, vès dzəm də wèej riŋ mvè'nè bònəm nè Nwì a yəəŋ mùmvwè' coos sè mvwè' nzenğòŋ Màsìdoniyà sə.

² Nğə' nè wo à yə, à mùm sə wo vè'ε nsàp nè bə ŋgəi'. Yà' ànə ye-a sè vè'nə fana wo tse' mali kwəkwa sə ntũũ wo anə wùriŋ. Ghà nè wo ànə cum bə jìŋ nèbɔp fana kwəkwa nè sə ntũũ wo nè tesə kok və bə nsàp fa mbo mòk vè'ε nè wù kà fùk.

³ Aco mù kəŋ də wo à ka yusè aco wo fa yà' fa megu, wo à fa nə ghak casə. Wo ànə sə fa vè'nə ŋga ŋwè nəmòk ka wo yi sè duk.

⁴ Wo à lej ves, nə lej gwərə ves vè'ε zìnə də wo dzəm ŋgòye sè' sə mvwè' fàak bùũ Nwì wèj yè'sə, nə fa ŋgòtesə bùũ Nwì wèj mok sè'.

⁵ Yumok sè vès ànə ka tsəm də aco yà' ye vè'nə tsəm ànə ye də, wo à fa to ntòni' awo bohòTà Jisòs ŋkuŋ nə fa. Wo à fa ni' awo sə bohòvès sè' mvè'nè Nwì dzəm.

⁶ Ntũm a bòves bə fa-mbo bùũ Màsìdoniyà wèj nə vè'ε wùriŋ fana vès duk də vès tum Taitòs ŋgòkə jə vè fəfa ma nè njàwèj nə. Yi ànə cep to bohòwèj yi ŋkuŋ ntũm awèj bonj ŋgòfa yumok fana vès də yi kə gũ mesə fàak sè bèbonj yè'sə sè' yi nə.

⁷ Vès rì tse' wèj bèbonj də wèej nsàp bù nè wèej yegè mantombi bə bum ŋkũũŋntèj. Mù rì də wèj sə fa ntũm awèj bohòJisòs ŋkũũŋntèj.

Wèṅ rì ṅgòtsòho fa bwiṅ ncèp nè Nwì nò, wèṅ rì bum sè yà'a ma nè bohòNwì, wèṅ rì ṅgògù fàak Nwì bə ntum nè mò'fis, fana wèṅ dzəm ves sè' bə ntum nè mò'fis. Mvè'nè bum yè'sə vɛ'nə fana vès sə kùk də wèṅ ye li mantombi bə nsàp fàk nè bəboṅ nè'nə sè'.

⁸ Ka də mù sə fa ṅàṅ də wèṅ nè gɹ tsoṅ vɛ'nə yeṅ. Mù sə fù'rə ja'a fàk àwèṅ nè bə sè bùu mok wèṅ, ya mɹ riṅ mvè'nè dzədzəm àwèṅ cu sə.

⁹ Wèṅ tsəɾə a nsàp bòvəm nè Tà Jisòs Krest ànə tse' nà'a è. Yi ànə ye ṅà ghàk, nè bùu ṅà jìṅ bùu tu awèṅ. Yi à gù vɛ'nə də ya wèṅ bùu ṅà ghàk bùu jìṅ ye nə.

¹⁰ Fana ntip ṅàm nè aco mù fa wèṅ bə bum yè'sə a də, bə lùmṅòṅ nè nà' a cà lònè'e, wèṅ à fa to wèṅ, nè tse' to ntum nè ṅògù vɛ'nə sè' wèṅ.

¹¹ Ye də a bəboṅ də wèṅ gɹ mesə yà'. Wèṅ gɹ mesə yà' sè' bə ntum nè kwəkwa, mɹmvè'nè wèṅ ànə sə kwa to ṅòcèp də wèṅ nè gɹ nsàp yumòk vɛ'nə sə. Wèṅ fa mɹmvè'nè wèṅ tse'.

¹² A ye-a ṅa ntum nè ṅòfa nè yo fana Nwii jəgè ye yusè ṅwè tse', ka də yi dɹkgè də ṅwèe fa yusè nà' ka tse' yeṅ.

¹³ Yusè vès sə dzəm sə, ka də wèṅ ye ṅə' ṅòfa wùriṅ ya bùu mok wèṅ ghak bə zèṅ yeṅ. Vès dzəm də bwiṅ pwe' tse' yəyərè.

¹⁴ Wèṅ tse' ṅa'a yè'e ṅkùuṅ fana wèṅ fa bùu sè wo sə jamə, ya nùmbu mòok ye ṅa wo tse' bwi ṅkùuṅ fana wo fa bwi wèṅ yusè wèṅ sə jamə sè'. Yà'a mɹmvè'nè ndàaṅwè pwe' nè tse' yəyərè sə.

15 A ye ve'nə fana yà' ye mvè'nè wo à còm də, <<Ŋwè nè yi ànə kɔp ŋkùuŋ, à ka ŋkùuŋ lələ tse'; ŋwè nè yi ànə kɔp ye momjo, kà momjo lələ sè' tse'.>>

Bùu Sè Wo Nə Kə Jəŋ Fəfaa Sè Lak Korè Sə

16 Vès kwasə Nwì ve'ε wùriŋ bùusè yi gù Taitòs ŋgòtse' ntəm nè ŋgòtesə weŋ sè' co vès.

17 Vès à də yi kə ye weŋ fana yi dzəm, nə sə kwa ŋgòtesə ye sè' fana yi fuhù ŋgòlòo nə kə ye weŋ.

18 Vès sə tum sə be'lə yi bə moma mòk nè coos pwe' jəgè yi co ŋwè bùusè yi tsòhogè Ntirè nè Bèboŋ nə bèboŋ wùriŋ.

19 Mòok sè' də a cokfis ŋwè ènə coos sə, də venəwèeŋ gi lo ŋgòjə lòbum sè wo a fa sə mvwe' lak Jòrosalèm. Fàak yè'sə nə kuksə liŋ Tà fana nə niŋ tsok fa bwiŋ də vès tse' kwəkwa ŋgòtesə mòk bə mòk.

20 Mvè'nè vès sə tum sə wo ve'nə fana vès tsəm də cèp cùu nə kà bə mvè'nè vès sə kotse' nsàp mbàm nè wo a fa wùriŋ ènə tesè.

21 Vès sə lap mandzè nè ŋgògù yusè yà'a bèboŋ m̀lisè Tà nə ye m̀lisè bwiŋ sè'.

22 Vès sə tum sə lòwo bə moma àvès mòk sèmok. Vès a m̀msə yi, nə ye də yi ŋwè nè yi tse' ntəm nè ŋgòfàak. Nga'a nè yi a rì tse' mok bèboŋ də wèŋ tse' ntəm nè ŋgòfa fana yi sə ghaha, ghaha ŋgòtesə.

23 A ye-a nga bùu mok cu sè wo ka Taitòs riŋ fana m̀ dzəm ŋgòreŋsə də yi ŋwè nè a fàkgè vesi ŋgòtesə weŋ. Bwema mok sè' yi sə gi bə

yà'wèŋ yà'a yàwo bùu sè a tum wo coos. Fàak sè wo sè gùu sè sè gù dè liŋ Krèst kuk.

²⁴ Ye dè wèeŋ niŋtsok fa wo dè wèŋ dzəm wo. Wèeŋ gu wo vè'nə ya nga coos mok sè rɛɛŋ bə zɛŋ, nə riŋ sè' dè vèes kumgè ŋgùŋ bùu wèŋ nga a zìnə.

9

Ntip Nè NgòFùhu Nòŋsə Fəfa

¹ Anə ye co mù kà wèŋ bə nzak nè ŋgòtesə bùu Nwì wèŋ còm fa yiskok.

² Mù duk vè'nə bùusè mù rì mvè'nè wèŋ tse' ntum nè ŋgòtesə nə laŋ. Mù a kumŋgùŋ bə liŋ awèŋ bohòbùu Məsìdoniyà wèŋ vè'ɛ wùriŋ. Mù a tsè' wo dè wèŋ bùu Gris wèŋ à fùhu ŋgòfa laŋ, ye jəŋ bə lùmŋgòŋ nè nà' à cà nà'a. Fana ntum àwèŋ nè ŋgòfa ànə a yèmse bwìŋ lo ŋkùuŋ.

³ Mù sè tumsə lòbwema yè'e wèŋ ya wo ja'a dè wèŋ fùhu bə mbàam awèŋ pap laŋ, mvè'nè mù a tsè' fa wo dè wèŋ à fùhu laŋ sè àlɛ. Mù ka dzəm dè yà'a kə bùuŋ tesə dè mvè'nè mù à sè kùm ŋgùŋ bə liŋ awèŋ sè mvwès dzəm.

⁴ A ye-a nga bùu Məsìdoniyà mok wèŋ vè venəwèŋ, nə kə ye dè wèŋ ka ntòfùhu fana marè'tu nə ko ves vè'ɛ wùriŋ. Busè mù kùmɡè ŋgùŋ bə liŋ awèŋ sə, nə kà wəp. Mù ka-a ma njàwèŋ sè cèp, wèŋ riŋ dè marè'tu nə ko wèŋ sè'.

⁵ Nà'a njo nè mù tumsə lòbwema yè'e wèŋ dè wo lo to mantombì, wo ja'a dè yusè wèŋ à kà' dè wèeŋ nə fa sə, wèŋ a fa wes yà' laŋ. Dè ya wèeŋ fa bə kwəkwa, a kà dè wèeŋ fa bə ñaŋ duk.

⁶ Wèeη kà swì də, ηwè nè yi bì-a momjo, yi nè kɔp sè' momjo. Nwè nè yi bì-a ye ηkùuη, nè kɔp sè' ηkùuη.

⁷ Ndàaηwè pwe' fa yusè yi tsərə kok sə ntùè yi. Kà də ηwèe fa bə ntum nè rərwi' kè bə ηàη àlɛ' duk. Nwii dzəmgè ye ηwè nè yi fa bə ntum nè kwəkwa.

⁸ Aco Nwì fa casə to wu bum mɔmvè'nè wù sə tsəm sə. Aco yi ɣu to wu, wù tse' yusè wù dzəm pwe', nə ɣu malì wu, wù tse' mok co wù ɣu fàak sè bəbɔη bə zɛη wùriη.

⁹ Nwàk Nwì sə cèp bə nsàp ηwè ànə də,
Yi fagè ηgàa jìη wèη nduk nè nduk,

Ntum ye nè ηgògù bəbɔη nə nè kà kupsè yu'.

¹⁰ Nwì nè yi fagè ηgà fàk nzum ηgwii bum, nə fa bɛη də bwiiη zɛ, a yi nè yi nə yamsə fa wɛη ηgwii bum sə pwe' ya wèeη bi yà', fana yi nə ɣu yà', yà' kuk sè'. Yà'a mvè'nè fa-mbo nè wù sə fa nə nə tesə bwiiη ηkùuη sə.

¹¹ Yi nə ɣu wɛη, wèη sə tse' bum ya ηga wèeη sə fa mbo nùumbu pwe'. Ya ηga bwiiη ηkùuη nə kwasə Nwì bə bum sè wèη a fa càsə wo yà' ndzə bohòvès sə.

¹² Ye də mvè'nè wèη sə fa vɛ'nə fana wèη sə tesə bùu Nwì sè wo sə jamə, nə sə ɣu bwiiη ηkùuη sə kwasə ghaha Nwì ghaha sè'.

¹³ Mɔmvè'nè wèeη fa fana yà' niηtsok fa bwiiη də wèη sə dzəm ηgògù yusè ntirè nè bəbɔη nə sə duk fana wo kuksə Nwì bùusè wèη a fa.

¹⁴ Yumòok sè' də wo nə dzəm wɛη wùriη, nə lɛη Nwì mɔtuhù wèη bùusè wo yə də wèη tse' bəbo nè Nwì nə sə ntùè wèη ηkùuη.

15 Vesùwèŋ kwasè Nwì bə fəfa ye nè kaco cù cep to nà' yeŋ ènə.

10

Pol Sə Tsə' Rəŋsə Fa Bwìŋ Də Yi Ngà Ntum Jisòs Zìnə

¹ A mù Pol, yusè mù sə də mɛ cep ŋga'a yè'e sə tesə sə vəə mù. A mù nè wo dukgè də mɛ ye vesùwèŋ si bə si fana mù ye fùə, anə ye ŋga mù lògesə fo' fana yusè mɛ còm fa weŋ ye bə ñàŋ nə. Mù leŋ weŋ bə liŋ Jisòs nè yi ŋwè nè gəe' nə vɛ'ɛ wùriŋ də,

² kà də wèŋ gɛ co də mɛ vəə, mù cep bohòwèŋ bə ñàŋ duk. Mù rì də mɛ nə cep li bə ñàŋ bohòbùu mok ŋga mù vəə. Mɛ nə cep bə ñàŋ anə bohòbùu sè wo sə tsəm də mù sə gù fàak am sə ŋgòtse' swe' co bùu sè sə nzeŋgòŋ fàkgè yà'a wèŋ.

³ A zìnə də vès cu sə nzeŋgòŋ bə ŋgùpni', megu də a ye ŋga vès sə lù ves nsàp bù ànə fana vès kà bə ñàaŋ ŋgùpni' avès sə lù.

⁴ Bum mà' dzè' sè vès lù bə zeŋ sə, ka sè sə nze yeŋ. A sè Nwì, sè yà' tse' ñàŋ wùriŋ. Aco yà' ghak ñkərə bùu sè wo sə bèŋ Nwì sə nzeŋgòŋ feŋ nə.

⁵ A yà'a də vès kùəmsə màkgè nsàp ñkərə nè wo tse' nà', nə sə dzeŋ ŋgòri Nwì, nə ye bə yusè yà' tse' nènì' pwe'. Vès jə fa lògè nsàap tsətsərəə yà'sə bohòKrest co ŋgàa ndapndzəm, də wo yuk bohòyi.

⁶ Ghà nè mù rì fis wes bùu sè wo yù bum sè mù ànə com fa wen̄ m̄tsətsə'rəə wèn̄ fana mù taksə bùu sè wo sə kà yàwo yà' yùsə.

⁷ Wèen̄ kuk ja'a yusè yà'a jəja. A ye-a nga n̄wə nəmòk sə tsərə də yi n̄wəə Krəst fana ngəngən̄ rin̄ tse' də vèes sè' bùu Krəst anə co yi.

⁸ Kàmòk mù sə kum ngùn̄ bə n̄aən̄ sè Tà a fa ves sə lələ. Wèn̄ rin̄ də yi fa ves yà' ngògə wen̄ bə zən̄ də ya wèen̄ kuk lo mantombi, ka də ya vèes soŋ mak wen̄ bə zən̄ sə nze yen̄. A ye-a sè də mù sə kùm ngùn̄ ve'nə fana marè'tu nə kà m̄ bə zən̄ ko.

⁹ Kà də wèen̄ tsərə də mù còm wəpsə mègù wen̄ bə n̄wàk duk.

¹⁰ Mù duk ve'nə bùusè bùu mok wèn̄ sə duk də, m̄ còm gè ma ndzə n̄wàak, ncèp àm gən̄ nja wùrin̄; m̄ vè bə tu am fana wo ye nga mù mègù m̄bwes n̄wè ngwàn̄, yusè mù sə cep sə yà' kà bə n̄aən̄ ye lok.

¹¹ Nsàp bù ànə wèen̄ rin̄tse' də yusè vèes còm tumsə lògè yà' ndzə n̄wàak sə mègù sè' yusè vèes vè-a bə tu avès, vès gu sè' ve'nə.

¹² Bùu mok wèn̄ cu sè wo gùgè ni' awo də ya wo ye co bùu sè ghan̄ wùrin̄. Kaco vès ban̄ to ntəm, nə fu'rə to ni' avès bə bùu yà'sə yen̄. Wo fùhugè ni' awo sə megu bə yusè wo tsərə kok yà' sə ntùə wo. Wo fùh̄u ve'nə fana yà' sə ye də wo jì nkərə.

¹³ Bohòvès yàvès fana kaco vès sə kum ngùn̄ nga vès ka yumok sè yà'a kèkurè sè co vès fùh̄u ni' avès bə zən̄ tse' yen̄. Vèes fùh̄u yàvès bə fàak

sè Nwì a cì' nòņsə fa ves sə. Wèņ bə tu awèņ sè' fàak sè yi cì' fa ves sə mamòk.

¹⁴ A ye-a ŋga vès sə kùm ŋgùņ bohòwèņ vɛ'nə fana yà' kà co də vès ànə ka wèņ ntòriņ yuk ye; vès ànə kə tseņ to wèņ bə Ntirè nè Bèboņ nè Krɛst nə fa' vès.

¹⁵ Vès sə kà ŋgùņ bə fàak sè a gù yà' bùu mok wèņ kùm. Nsàp kùmŋgùņ ànə ka sè mvwe' fàak sè Nwì a cì' fa ves sə yeņ. Vès tsəm də mvè'nə wèņ sə fa ntəm awèņ bohòKrɛst nə, nə sə kuk lo mantombì yà'a fana yà' gù ves ŋgòfàk ghaha lòmantombì mʉtsətsə'rə wèņ sè'.

¹⁶ A ye vɛ'nə fana vès tsoho lo Ntirè nè Bèboņ nə mvwe' lak mok sè yà' sàp cāsə yàwèņ yà'sə, nə kà ŋgùņ bə fàak sè ŋwè nəmòk à fàk nòņsə lòi sè kùm.

¹⁷ A ye-a ŋga ŋwè nəmòk dzəm ŋgòkùm ŋgùņ fana yi kum bùu Tà Nwì.

¹⁸ Busè ŋwè nè Tàa duk də nà'a kèkurè fana wo jəņ ŋgèņgàņ co ŋwè nè bèboņ; ka ŋwè nè yi cèp yi bə cùu ye də yi vɛ' nà'a yeņ.

11

Njo Nè Pol Sə Tɛ' Fa Krətèeņ Sè Lak Korè

¹ Mù dzəm ŋgòcèp muncèp ləm, fana mù ləņ wèņ ŋgòkontəm, nə yu'rə fa mʉ momjo.

² Mù dzəm ŋgòcèp vɛ'nə bùusè mù dzəm wèņ nsàp nè wèeņ me'rə-a mʉ, nə yuņ lo ŋwè nè zok fana ntəm yaaņ mʉ wùriņ. Nwì a fa mʉ nsàp dzədzəm ènə bohòwèņ anə yi fana mù sə wa wèņ wùriņ. Wèeņ co wà'ŋgwèņ mòk nè yi

ka ηwèmbam riη, nè mù a duk dè mụ nè guse
fa megu yi bohòηwè nè mò'fis; ηwè ànə Krest.

³ Wụə sə ko mụ dè kàmòk mvè'nè no ànə bərə
ηwà nè wo to yi dè lif bə ηkərə fana aco wo jipsə
tu awèη, fana wèη swi ηgòfa ni' awèη bohòKrest
bə ntum nè mò'fis.

⁴ Mù riη dè ηwèè kè tsòho fa-a wèη Jisòs mòk
nè zok fana wèη dzəm gesə fa yi nà' sè'. A ye-a
ηga wo kè tsòho fa-a wèη bə liη yòηsè mòk nè
zok fana wèη dzəm gesə nà' sè'. Wo kə tsoho
fa-a wèη Ntirè nè Bəboη mòk nè zok, wèη dzəm
nà' sè'.

⁵ Mù tsəm dè mụ sè' ηwè nè ghan co bùu sè
wèη sə jə wo co ηgàa ntum sè ghan yà'sə.

⁶ A ye-a sè' dè mụ kà cù cèp kwè rigè fana mù
ka ləm yeη, mù rì bum sè Nwì yo. Vès a tsè' fa
wèη bum yè'sə pwe'fo' kè' ηkùηntèη laη.

⁷ Ghà nè mù à tsòho fa wèη Ntirè nè Bəboη nè
Nwì nə, mù à ka dè wèη lak mụ fo' mbàm duk.
Mù à jə lònì' àm sə nze dè ya wèη ye yàwèη
matsè; ye dè mù à gù yà'sə bup à?

⁸ Ghà nè mù à sə fàk bohòwèη, sə lak mụ
coos mok sè zok; aco mù duk dè mù à sə yè wo
ηgòtesə wèη.

⁹ Ghà nè vesùwèη ànə ye sə, numbu nè mụ
jamə yumok fana mù kà wèη ηgə' sè fa lok;
bwema sè wo à tesə mvwe' nzenğòη Məsìdoniyà
yà'a à fa mụ yusè mù sə jamə yà' pwe'fo' wo. Mù
à sə jə ηkərə dè mụ kà wèη ni' nìrè, mụ nè sə
kərə mali dè mụ kà wèη ni' sè' nìrè yuk.

¹⁰ Zìnə nè Krest nè cu sə ntùù mù, mụ nè kum
mali ηgùη vè'nə mvwe' nzenğòη Gris pwe'fo' mụ

nə kà ɲwè ni' nìrè, yu nəmòk nè co ɲwèe nə tsok fa mɛ də mɛ kà ɲgùɲ kùum nə kà ye.

¹¹ Mù à gù vɛ'nə yè'sə bùu yà? Wèɲ tsəm də mù ka wɛɲ dzəm à? Nwì rɪntse' də mù dzəm wɛɲ.

¹² Mɛ nə sɛ gɛ mali mvè'nè mù sɛ gù ɲga'a sɛ, də ya ɲga mɛ nə se noɲsə ɲgàaɲ bùu sè wo sɛ nènì' sɛ jəja, nə sɛ duk də vesi wèɲ fàk kùrəgè yəyərè yà'a wèɲ.

¹³ Bùu yè'sə wèɲ ka ɲgàa ntum ye lok, wo ɲgàa bòrè bwìɲ, nə sɛ jəɲ ni' awo də ɲgàa ntum Krɛst wèɲ.

¹⁴ Yè'sə ka yumok sè co yà' gɛ ɲwè mərə yɛɲ, Satà bə tu, yi bèɲgè masinjàa Nwì sè wo ɲgàa mareɲ sɛ.

¹⁵ Ye də a ye-a ɲga ɲgàa fàak ye wèɲ gù bùsə ni' awo co ɲgàa fàak sè wo yàwo kəkərè sɛ fana yà' ka yu məmərè ye. Wo nè kè lè nùu sè' mvè'nè wo sɛ fàk sɛ.

*Pol Fù'rə Ni' Ye Bə Bùu Mok
Sè Wo Sə Kùm ɲgùɲ*

¹⁶ Mù sɛ cèp fe'lə səmok; kà də ɲwè nəmòok jəɲ mɛ co ləm duk. A ye-a ɲga wèɲ jə mɛ vɛ'nə fana wèɲ fa mɛ mandzè co ləm nə, ya mɛ kumɲgùɲ njàm sè' momjo.

¹⁷ Mɛ kumɲgùɲ vɛ'nə fana ka də Tà duk mɛ yi də mɛ cɛp vɛ'nə yɛɲ, mù sɛ cèp mègù co ləm.

¹⁸ Bwìɲ ɲkùuɲntɛɲ sè wo kùmɲgè ɲgùɲ bə ɲaɲ sè sɛ nzeɲgòɲ fɛɲ fana mɛ nə kum yàm sè'.

¹⁹ Wèɲ tsəm də wèɲ tse' ɲkərè wùrɪɲ, fana bum ləm sè bwìɲ gùgèə, wèɲ sɛ dzəm fa wo yà' bə kwəkwa.

20 Nwèe tum ke'cà wen ntum, wèṅ sə dzəm; wo sə fak zɛ swe' mətuhù wèṅ, wèṅ sə dzəm; wo sə te' bəsə wen mvè'nè yà' bōwo, wèṅ dzəm; wo kok təəṅ mətuhù wèṅ, wèṅ dzəm fa wo; wo sam wen bə bo mɛ sihi, wèṅ dzəm sè'.

21 A yà'sə də, a bohòmù yàm marè'tu bùusè mù à ka nsàp ṅàṅ nè ṅgògù to wen yàm ve'nə nə tse'-a?

Mù dzəm ṅgòcèp fe'lə co ləm sèmok. A ye-a ṅga ṅwè nəmòk cu nè yi də aco yi kumṅgùṅ bùu yumok fana aco mù kum yàm bùu zen sè'.

22 Wo sə duk də wo bùu Hibrù wèṅ à? Mɛ yàm sè' zen. Kè wo sə duk də wo bùu Izùre à? Mɛ yàm sè' mòk. Kè wo də wo ṅgwì bù Abràham à? Mɛ yàm sè' zen.

23 Kènə wo sə duk də wo ṅgàa fàak Krest ε? Mɛ sè' mòk. Mù ghak wo pwe'fo' mù. Mù sə cèp yè'sə mok co ṅgà ṅaṅ. Mù a fàk ghak wo gɛgɛṅ mù, nə ni ghak wo bə ndapndzəm sè' mù. Wo à lèp ghak bə ṅkwès sè' mù fana mù swirə ghak wo kpɛ sè' mù nə.

24 Wo à lèp mɛ nsàp lèlèp bùu Jus wèṅ nè ṅkwès hum tɛ'-ncòp-vəke' nà'a kè' tàṅ.

25 Bùu Rumà wèṅ à lèp mɛ nsàp nè njàwo sè' kè' tɛ'; wo à tərə mɛ bə lɪs kè' mò'fis; ṅgwes à bwì kè' màk gèsə mɛ sə ndzəpè kè' tɛ'; mù à naaṅ yiskok mɛ ndzəpè tètè nùm co, tsok reṅ kè' mò'fis.

26 Bə gi am sè mù à sə gi ke'cà sə pwe'fo', mù kuəp kpɛ mvwe' sè mantùṅ rwiṅ, nə ye bohòṅgàa yè wèṅ. Mù kuəp kpɛ bohòbùu lak am sè wo bùu Jus wèṅ, nə ye bohòbù lakmvum

wèŋ sè'. Mù a kuəp kpu mu ntòlak nə ye ŋgəà sè'. Mù kuəp kpu mvwe' ndzəp nè ghaŋ nà'a nə ye bohòbùu sè wo duk bòrəgè də wo bùu Krest yà'a.

²⁷ Mù à fàk, nə wo ve'ε wùriŋ. A kè' ŋkùuŋ sè mu kà lo m̀lisè mù gèsè tsok reŋ; njè beŋ sə yaŋ mu, njè ndzəp sə yaŋ mu sè'. A kè' ŋkùuŋ sè mù sə taŋ cum njè, mbəəp sə ko mu, mù kà cək tse'.

²⁸ Mù bwes nonşə bum mok sè yà' ànə ye sə ve'nə fana ntum àm sə fa mu ŋgə' bə fàak am sè yà' cu lòkə' m̀mvwe' coos sə wèŋ sè'.

²⁹ Nwè nəmòok ye wòwo fana mù yuk ŋga ni' àm wo mu yàm sè'. Nwè nəmòok gbù ni sənə bup fana ntum àm yaŋ mu ve'ε wùriŋ.

³⁰ A ye-a də mu kumŋgùŋ fana mù kum bə bum sè yà'a nitsè'gè də mu nwè nè jì nàŋ sə.

³¹ Nwì nè yi tè'ε Tà Jisòs, sèsèfaa ye bə liŋ sè ye sə nè mvèsè. Yi rì də mù sə kà yè'sə mvwès cì'.

³² Ghà nè mù à ye mvwe' lak Dàmaskù fana Govənonè yi à sə fàk bohòŋkum Aritàs nà'a à nonşə sojà wèŋ mvwe' ncùu ŋka' lak sə də ya yà'wèeŋ ko mu.

³³ Anə geŋ bùu mok fis casə mu bə tətoo ŋka' mok sənə ŋkòk fana mù swirə.

12

*Nwì Jəgè Yusè Yà'a Jì Nàŋ,
Nə Gù Fàk Bə Zeŋ Sè'*

¹ A ye-a sè də kumŋgùŋ ka fàk tse' fana mù tse' ŋgòkum malì ŋgùŋ nə. Mù nə cep ŋga'a mok bə

lo sè mù yə, nə ye bum mok sè Tà a nìtsè' fa mụ yà'.

² Mụ rì ηwè nəmòk nè yi krètèη, a ηga'a lùumηgòη hum-ncòp-kwè nè wo à ko jə kok lòyi māmuvwe' ntòbu nè nà' sàp càsə mok pwe' nə. Yi ànə lo-a mbwa bə ηgùpni' jəja vε'ε kè də yi ànə lo-a sè bə yòηsè àlε', mù ka riη; Nwì rì bə zeη yi.

³ Mụ rì də wo ànə ko jəη lo ηwè ànə mụ Pàràde. Mụ ka sè' riη mali də yè'sə ànə ye bə ηgùpni' jəja vε'ε kè də yi ànə lo-a sè bə yòηsè àlε'; mù ka riη, Nwì rì mègù bə zeη yi.

⁴ A kè dzèη mbwa, yi yuk bum mok sè kaco ηwè cep to yà' yeη; yà' ye sè' də ηwèe kà yà' cèp.

⁵ Bohòma nè tu ηwè ànə fana aco mù kumηgùη. Bohòma nè tu yàm fana kaco mù kumηgùη yeη. Aco mù kumηgùη lε bə bum sè yà' sə nìtsè' də mụ ηgà jì ηàη sə.

⁶ A ye-a ηga mù dzəm də mụ kumηgùη fana yà' kà co nsàp kùmηgùη ηwè ləm ye, bùusè yusè mụ nə sə cep sə, yà'a zìnə. Megu də mụ nə kà kum, bùusè mù ka dzəm də ηwè nəmòok jəη mụ co ηwè nè ghaη bùu zeη dzəm, yi jə mụ lε co nsàp ηwè nè yi à yə ηga mù sə gùu, nə yuk ηga mù sə cèep.

⁷ Mvè'nè mù à yə bum maηgəηgèeη yè'sə, Nwì à ka dzəm də mụ koksə ηkwèη, nə sə nenì' bùu bum maηgəηgèeη sè mù à yə yà' sə dzəm. Fana yi nə fa mụ yumòk nè nà à ye co njàk sòp tə mụ ndzə nì'ì mù anə. Nà' ànə ye bohòmù anə co masinjà Satà, nè yi sə ləp mụ də ya mụ kà nì' sə

nè.

⁸ Mù à leŋ fis bohòTà kè' tɛ', də yi jəŋ fis gɛsə nà' bohòmù anə fo'.

⁹ Yusè yi à cèp fəsə fa mɯ sə à ye də, <<Bònèm nè njàm nè a kùrə bohòwù anə laŋ. Bəsè nàaŋ sè yàm sə gɯ wesəgè mvwe' sè jì nàaŋ fo'.>> Ye də mɯ nè kum ŋgùŋ, nè kwa wùriŋ ŋga mɯ wòwo, ya ŋga nàaŋ sè Krest sə ye sə ntùù mù anə.

¹⁰ Ye də a ye-a ŋga mɯ wòwo, bwìŋ sə yak mɯ, bum sə gɯŋ ghak mɯ, bwìŋ sə gɯ mɯ bɯp, mù sə ye ŋgə' bùu Krest fana ntum àm kà mɯ ŋgə' sə fa; bùusè mù rì də ghà nè mɯ wèwo fana mù ye gɯgɯŋ.

Ntɯm Yaan Pol BohòBùu Korè Wèŋ

¹¹ Mù bùsə ni' àm ŋgòcèp co ləm, ŋga gù mɯ wèŋ ŋkuŋ mɯ gɯ vɛ'nə; ŋga anə ye co wèŋ sə kwasə mɯ wèŋ. A ye-a sè də mù ka ŋwè mòk mù yeŋ, fana mù ka ŋwè nè maŋkwèŋ bohòŋgàa ntum awèŋ sè wo nsàp njàwo zok yà'sə mù yeŋ.

¹² Ghà nè mù à ye vesùwèŋ yà'a, fana mù ko ntum, nè niŋtsok fa weŋ də mɯ ŋgà ntum nè zìnə. Mù sə gɯ bum maŋgəŋgèŋ wùriŋ, mù sə gɯ bum mok sè yà' sə nìtsè' mvək sè'; mù à gù fàak sè yà' tse' nàŋ sè' mɯŋgorə wèŋ anə.

¹³ Yumok cu sè mù à gù bohòcoos mok wèŋ, nè kà weŋ yàwèŋ gù fa yo à? Mègù nè də ghà nè mù à sə fàkgè vesùwèŋ co ŋgà ntum yà'a, mù à sə kà weŋ ni' bə nzak mbàm nìrə. Bə yà'sə, mù sə leŋ weŋ vɛ'ɛ də kwək wè' wèŋ swi fa mɯ bə jòn ànə.

14 Wèṅ yèè, mù sɔ fùhɔ ɲga'a ɲgòkè kɛ' yɔ wɛɲ sɛmɔk, nè kè' tɛ'. Mɔ nɔ kà wɛɲ ni' bɛ nzak mbàm sɛ' nìrè; mù dzɛm wɛɲ, mù ka bum awèɲ sɛ wèɲ tse' dzɛm. Bwɛɲkɛ' ka tse' ɲgòlɔp fa bum bohòtè' awo wo yɛɲ, tɛ' tse' ɲgòlòksɛ fa bwe ye yi.

15 Mɔ yàm yɔyɔrè ɲgòbɔpsɛ yusè mù tse' pwe'fo', nɔ bɔpsɛ ni' àm sɛ' bùu tu awèɲ. A ye-a ɲga mù dzɛm wɛɲ wùrɪɲ vɛ'nɔ, ye dɔ wèṅ nɔ dzɛm mɔ yàm momjo à?

16 Bùu awèɲ mok sɛ cɛp bɛ liɲ am dɔ, <<A zìnɔ dɔ yi vègèè, yi kà ves ɲgɔ' bɛ nzak mbàm lɛ fa anɛ; megu dɔ yi yà'sɛ mɔ limɲgòn ɲwè nè tètè. Vès rì tse' dɔ yi a zɔ lòtson swe' bɛ mandzè mòk bohòvès yè'sɛ laɲ.>>

17 Kàcò, a yè'sɛ bɛ nsàp nè fò? Bùu sɛ mù a sɛ tum wo bohòwèɲ yà'a, mòk à lim zɔ fuk ɲwè nɛmòk à?

18 Mù lɛɲ Taitòs dɔ yi gɛɲ, nɔ tumsɛ be'lɔ yi bɛ moma mòk nà'a sɛ'. Wèɲ tsɛm dɔ Taitòs ànɔ lim wɛɲ à? Ves Taitòs nɔ tsɛrɛgè nsàp nè mò'fis, nɔ sɛ gɔ bum sɛ' nsàp nè mò'fis, wèɲ ka vɛ'nɔ rɪɲ à?

19 Kàmòk wèɲ sɛ tsɛrɛ dɔ yusè vès sɛ cɛp yè'sɛ vès sɛ lap bɛ zɛɲ mandzè ɲgògù dɔ ya vès yɔɔɲ mɔlisè wèɲ cɔ bùu sɛ vès bèbɔɲ àlɛ'. Hai' ka vɛ'nɔ yɛɲ. Vès cɛpgè mvè'nè Krɛst sɛ dzɛm dɔ vès cɛp sɛ, mantombii Nwì. Nge' am wèɲ, yusè vès gùgè yà' pwe'fo', a yegè ɲgòtɛsɛ wɛɲ.

20 Wuɔ sɛ ko mɔ dɔ kàmòk mɔ nɔ kɔ tɛɲ wɛɲ, ɲga wèɲ ka nsàp nè mù dzɛm dɔ wèṅ ye vɛ'nɔ nɔ yɛɲ. Mù kà yàm bohòwèɲ anɔ mvè'nè wèɲ

dzəm də mɯ ye sə sè' yə. Wɯə sə ko mɯ də kàmòk mɯ nə kə tseŋ weŋ ŋga wèŋ sə kùèm, mok sə waŋ bum bwìŋ, mok sə jok, mok ye ŋgàa wi' bə ŋgàa yàk bwìŋ wèŋ. Mok ye ŋgà caŋsè ncəncàŋ, ŋgàa nènì' nə ye ŋga bum ram bɯp wes pwe'fo'.

²¹ Wɯə sə ko mɯ də mɯ və-a fana marè'tu nə ko mɯ mantombii Nwì bùu wèŋ. Fana mù sə waŋ geŋ bohòbùu sè wo à gù bɯp, nə kà ntum awo kupsè. Mɯ nə sə waŋ bùu sè wo a gù yusè yà' ka rərəŋ yeŋ, nə sə ko sàhà, nə ye ncu nè bɯp nè anə ye co ŋwè kà ve'nə cu.

13

Pol Sə Tip Bùu Korè Wèŋ, Nə Sonj Wo Ntu' Səmok

¹ Nè'e ŋga'a nè kè' tɛ' nè mɯ nə kə kɛ' yə weŋ. Wo à còm ndzənə ŋwàk Nwì də, <<A ye-a ŋga wo jə vè nzak mətuhù ŋwè nəmòk, kaco nzak nə zɯ yeŋ, tse'ŋga bwìŋ ba kè tɛ' àlɛ' duk də wo a yə bə lis awo ŋkuŋ.>>

² Mù dzəm ŋgòtsè' fa bùu sè wo à gù bɯp fa' mantombi yà'a yumok, nə ye bə mok yà'a pwe' sè'. Mù ànə cep bum yè'sə mantombi fa' laŋ, ghà nè mù à kè kɛ' yə weŋ nè kè' ba nà'a; fana mɯ nə cep mali yà' ŋga'a mvè'nè mù ka vesùwèŋ yeŋ yè'e səmok; də mɯ vè fe'lə mok fana mɯ nə kà ŋwè mè'rè.

³ Mɯ nə gɯ ve'nə bùusè wèŋ dzəm ŋgòyè yumok sè yà' sə nitsè' də Krest sə cèp càsə bohòmù yi anə zìnə. Yi kà weŋ bə wòwo kotse'gè, yi nitsè'gè ñàaŋ ye mɯŋgorè wèŋ anə.

⁴ A le zìnə də wo à tɛ'lə yi muntəəŋ bə jì nàŋ, nə ye sè' zìnə də yi cu bwìŋ ŋwəm sè' bə nàaŋ sè Nwì. Məm̀vè'nə vesiwèeŋ mvwe' mò'fis, vèes jì nàŋ fana vèes nə cum ŋwəm sè' bə nàaŋ sè Nwì sə, nə kotse' weŋ bə nàŋ anə.

⁵ Wèeŋ mum vəəm awèŋ, nə ja'a-na də wèŋ sə fa mali ntəm awèŋ bohòKrest nə àlɛ. Wèeŋ riŋtse' də Krest cu sə ntùù wèŋ, tse'ŋga wèŋ a mùm vəm awèŋ nə ye də wèŋ-a gbù məm̀mumsè.

⁶ Vès tsəm də wèeŋ nə kək ja'a ves, nə riŋ də vès ka yàvès gbù.

⁷ Mù lɛŋ bohòNwì də wèeŋ gu lɛ yusè yà'a nə ye kəkərè. Mù lɛŋ vɛ'nə fana yà' kà də ya vèes yəəŋ co ma nsəp yumok, də fàak avès sə lòmantombì duk. Yusè yà'a ca sə də vès dzəm də wèeŋ gu megu yusè yà'a bəboŋ. Vès dzəm vɛ'nə, ŋga a ye-a sè də yà'sə nə gu ves ŋgòyəəŋ co də vès gbù laŋ na.

⁸ A vɛ'nə bùusè kaco vès gu yumok ŋgòtəhə lok zìnə yeŋ, vès tse' mègù ŋgògù nà' lo mantombì.

⁹ A ye-a də vèes wòwo ŋga wèeŋ yàwèŋ guguŋ fana vès kwa cèbùè. Yusè vès sə lɛŋ Nwì bə zeŋ sə də wèeŋ foho təəŋ fe'lə rərəŋ səmok.

¹⁰ Ye də mù sə còm fa weŋ bum yè'e ŋga mù ka ntòvə vɛ'nə ya ŋga mɛ vəə, mù kà də mɛ jə nàaŋ sè Tà a fa mɛ sə, nə kotse' weŋ bə bo sè guguŋ duk. Yi a fa mɛ nàaŋ yà'sə ŋgògù weŋ bə zeŋ də wèeŋ lo mantombì, ka də mɛ jəŋ lo weŋ bə zeŋ maŋkwèŋ yeŋ.

¹¹ Mù sə mèsə ŋwàk àm nə məm̀vèk nè'e də bwema am wèŋ, wèeŋ cum bəboŋ. Wèeŋ te'e

benə tsə'rə ncu àwèŋ, wèeŋ yuk yusè mà tsè' fa weŋ, wèeŋ cum cù mò'fis, wèeŋ cum bə fifi, fana Nwì nè yì tse' dzədzəm, nə tse' fifi, nə ye wenə wèŋ.

¹² Wèeŋ cepsə mòk bə mòk bə nsàp cècèpsè nè də wèeŋ mò'fis. Bùu Nwì sè wo cu fèŋ sə cèpsə gèsə weŋ pwe'.

¹³ Mù lèŋ də bəbo nè Tà Jisòs Krəst, nə ye dzədzəm nè Nwì nə ye bohòwèŋ. Mook sè' də wèeŋ cumcòŋ nsàp nè Yòŋsè nè Rərəŋ tse' nà'a.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481